

卷一

雅音會編卷之十

羊城康麟文瑞集次

後學劉溪王鉅校正

下平聲

八庚

五言絕句

正音

別杜審言

宋之問

卧病人事絕嗟君萬里行  
河橋不相送江樹遠含情

伊州歌

蓋嘉運

聞道黃花戍頻年不解兵  
可憐閨裏月偏照漢家營

少年行

崔國輔

遺却珊瑚鞭白馬驕不行  
章臺折楊柳春日路傍情

長信草

長信宮中草年年愁處生  
時侵珠履跡不使玉階行

江行無題

錢起

牽路沿江狹沙崩岸不平  
盡知行處險誰肯載時輕

宿洞口館

野竹通谿冷秋泉入戶鳴  
亂來人不到寒草上階生

夏夜作

武元衡

夜久喧聲息池臺惟月明  
無因駐清景日出事還生

遺響

蜀道後期

張說

客心爭日月來往預期程  
秋風不相待先至洛陽城

小院

高駢

小院無人夜烟斜月轉  
明清宵易惆悵不必有離情

柳枝

李商隱

木是丁香樹春條結始生玉作彈碁局中心亦不平  
閨怨 沈如筠

鴈盡書難寄愁多夢不成願隨孤月影流照伏波營  
從軍行 令狐楚

胡風千里驚漢月五更明縱有還家夢猶聞出塞聲  
自君之出矣 雍裕之

自君之出矣寶鏡為誰明思君如隴水長聞鳴咽聲  
正聲

南行別弟 二首 其一

田承慶

淡淡長江水悠悠遠客情落花相與恨到地一無聲

班婕妤

王維

怪來粧閣閉朝下不相迎捻向春園裏花間語笑聲

江行

錢起

景夕殘霞落秋寒細雨晴短纓何處濯舟在月中行

入黃溪聞猿

柳宗元

溪路千里曲哀猿何處鳴孤臣淚已盡虛作斷腸聲

寄高秀才

李群玉

荆臺蘭渚客寥落共含情空館相思夜孤灯照雨聲

李集

秋浦歌十七首  
共九

江祖一片石青天掃盡屏題詩留萬古綠字錦苔生

清溪半夜聞笛

羌笛梅花引吳溪瀧水情清一作寒山秋浦月腸斷玉

閔聲

繫鼻陽上崔相渙

邯鄲四十萬同日陷長平能迴造化筆感異一人生

六下征虜亭

船下廣陵去月明征虜亭山花知結頰紅火似流螢

口號

食出野田美酒臨遠水傾東流若未盡慮見別離情

杜集

絕句三首  
其一

聞道巴山裏春船正好行都將百年與一望九江城

復愁十二首  
共九

任轉江淮粟愁添苑囿兵由來貔虎士不滿鳳凰城

五言律詩

始音

銅雀妓

王勃

金鳳隣銅雀漳河望鄴城  
君王無處所臺榭若平生  
舞席紛可就歌梁儼未傾  
西陵松檟冷誰見綺羅情

詠風

蕭蕭涼景生加我林壑清  
驅烟尋磬戶卷霧出山楹  
去來固無跡動息如有情  
日落山水靜為君起松聲

雨雪曲

盧照隣

虜騎三秋入閑雲萬里平  
雪似胡沙暗冰如漢月明

高關銀為關長城玉作城  
節旄零落盡天子不知名

劉生

劉生氣不平抱劍欲專征  
報恩為豪俠死難在橫行  
翠羽裝劍鞘黃金鏤馬纓  
但令一顧重不恡百身輕

從軍行

楊炯

烽火照西京心中自不平  
牙璋辭鳳闕鐵騎繞龍城  
雪暗凋旗畫風多雜鼓聲  
寧為百夫長勝作一書生

麻平晚行

百年懷土望千里倦游情  
高低尋戍道遠近聽泉聲

碣葉總分色山花不辯名羈心何處盡風急暮猿清

正音

晚次樂鄉縣

故鄉杳無際日暮且孤征川原迷舊國道路入邊城  
野戍荒烟斷深山古木平如何此時恨敷敷夜猿鳴

冬夜書懷

三體作秋  
夜獨坐

王維

獨坐悲雙鬢空堂欲二更雨中山葉落燈下草蟲鳴  
白髮終難變黃金不可成欲知除老病惟有學無生

觀獵

風勁角弓鳴將軍獵渭城草枯鷹眼疾雪盡馬蹄輕  
忽過新豐市還歸細柳營回看射鴈處千里暮雲平

早朝

柳暗百花明春深五鳳城城鴉聒曉曉宮井輓轡聲  
方朔金門侍班姬玉輦迎仍聞遣方士東海訪蓬瀛

送嚴秀才還蜀

寧親為令子似舅即賢甥別路經花縣還鄉入錦城  
山臨青塞斷江向白雲平獻賦何時至明君憶長卿

與韓庫部會王祠曹宅作

韋應物

閑門蔭堤柳秋渠含夕清微風送荷氣坐客散塵纓  
守嘿共無恡抱冲俱寡營良時頗高會琴醞共開情  
奉送從兄宰晉陵

東郊暮草歇千里夏雲生立馬愁將夕看山獨送行  
依微吳苑樹迢遞晉陵城慰此斲行別邑人多頌聲

邊上送故人

王建

百戰一身在相逢白髮生何時得家信每日算歸程  
走馬登寒隴驅羊入廢城羌歌三兩曲人醉海西營

南中

天南多鳥聲州縣半蕪城野市依蠻姓山村逐水名  
瘴烟沙上起陰火雨中生獨有求珠客年年入海行

送崔融

杜審言

君王行出將書記遠從征祖帳連河關軍塵動洛城  
旌旗朝朔氣笳吹夜邊聲坐覺烟塵掃秋風古北平

被試出塞

沈佺期

十年通大漢萬里出長平寒日生戈劔陰雲拂旆旌  
飢烏啼舊壘疲馬戀空城辛苦臯蘭北胡塵損漢兵

茂陵山行陪韋金部

李端



宿雨朝來歇空山天氣清盤雲雙鶴下隔水一蟬鳴  
古道黃花落平蕪赤燒生茂陵雖有病猶得伴君行  
十平魚大送僧歸日  
上國隨緣住來途若夢行浮天滄海遠去世法舟輕  
水月通棹觀魚龍聽梵聲誰憐一灯影萬里眼中明  
臨洞庭  
孟浩然  
八月湖水平涵虛混太清氣蒸雲夢澤波撼岳陽城  
欲濟無舟楫端居恥聖明坐觀垂釣者徒有羨魚情  
晚春  
大南

錢仲文

二月湖水清家家春鳥鳴林花掃更落徑草踏還生  
酒伴來相命開樽共解醒當杯已入手歌妓莫停聲

山中流泉

儲光羲

山中有流水借問不知名暎地為天色飛空作雨聲  
轉來深澗滿分出小地平恬澹無人見年年長自清

泊舟盱眙

常建

泊舟淮水次霜降夕流清夜久潮侵岸天寒月近城  
平沙依鴈宿候館聽鷄鳴鄉國雲霄外誰堪羈旅情

三體

秋日送方干遊上元

曹松

天高淮泗白料子趣脩程汲水疑山動揚帆覺岸行  
雲離京口樹鴈入石頭城後夜分遙念諸峯霧露生

早行

郭良

早行星尚在數里未天明不辨雲林色空聞風水聲  
月從山上落河入斗間橫漸至重門外依稀見洛城

陸渾山莊

宋之問

歸來物外情負杖閑岩耕源水看花入幽林採藥行  
野入相問姓山鳥自呼名去去獨吾樂無能愧此生

送陸羽

千峰待逋客香茗復叢生採摘知深處煙霞羨獨行  
幽期山寺遠野飯石泉清寂寂然燈夜相思磬一聲

送僧歸南嶽

周賀

辭僧下水棚因聽嶽鐘聲遠路獨歸寺幾時重到城  
風高寒木落雨細夜堂清自說深居後鄰州亦不行

送人歸蜀

馬戴

別離楊柳陌迢迢蜀門行若聽清猿後應多白髮生  
虹蜺侵棧道雨雪雜江聲過盡愁人處煙花是錦城

經周處士故居

方干

悲吟與獨行何事不閑情  
又立釣魚處惟聞啼鳥聲  
山蔬和雨歇海樹入籬生  
吾在茲溪上懷君恨不平

庭春

姚合

塵中主印吏誰遣有高情  
趁暖簷前坐尋芳樹底行  
土融疑野色水敗滿池聲  
漸覺春相泥朝來睡不輕

新春

官卑長少事縣僻又無城  
未曉衝寒起迎春忍病行  
樹枝風掉軟菜甲土浮輕  
最好林間鵲今朝足喜聲

送耿處士

賈島

一瓶離別酒未盡即言行  
萬水千山路孤舟幾日程  
川原秋色靜蘆葦晚風鳴  
迢迢不歸客入傳虛隱名

送董卿赴台州

張蠙

九陌除書出尋僧問海城  
家從中路挈吏隔數州迎  
夜蛙侵灯影春禽雜櫓聲  
開圖知異迹思想石橋行

題元錄士所居

劉長卿

幽居蘿薜情高卧紀綱行  
鳥散秋鷹下人閑春草生  
冒嵐歸野寺收印出山城  
今日新安郡因君水更清

田家

章孝標

田家無五行水旱卜蛙聲朱犢乘春放兒孫候暖耕  
池塘煙未歇桑柘雨初晴歲晚香醪熟村村自送迎

詠兩

僧皎然

片雨拂簷楹煩襟四座清霏微過來壠蕭瑟傍莎城  
靜愛和花落幽聞入竹聲朝觀興無限高詠寄閑情

長安旅夜

許渾

久客怨長夜西風吹鴈聲雲移河漢淺月浸露華清  
掩瑟獨疑思緩歌空寄情門前有歸路迢遞洛陽城

題杜居士

松偃石牀平何人識姓名  
冰寒棹響巖壑夜窻明  
機盡心猿伏神閑意馬行  
知此來客身世兩無情

九日登樟亭驛樓

鱸膾與尊羹西風片席輕潮回孤島晚雲歛衆山晴  
丹羽下高閣黃花垂古城因秋倍多感鄉樹接咸京

吳門送客早發

吳歌咽深思楚客怨歸程寺曉樓臺迥江秋管吹清  
早潮低水檻殘月下山城惆悵回舟日湘南春草生

正聲

禱詩

盧象

家居五原上征戰是平生獨負山西虜誰當塞上名  
死生遼海戰雨雪薊門行諸將封侯盡論功獨不成

送人尉閩中

李頎

可嘆芳菲日分為萬里情閩門折垂柳御苑聽殘鶯  
海戍通閩邑江航過楚城客星君莫問春草是王程

類編

扈從登封途作二首

宋之問

復道開行殿鈞陳列禁兵和風吹鼓角佳氣動旗旌  
後騎迴天苑前山入御營萬方俱下拜相與樂昇平

皇帝聖感詞

王昌齡

廟算干戈止神謀宇宙清兩階文物盛七德武功成  
校獵長楊苑屯軍細柳營歸來獻明主歌舞隘春城

送裴相公往江南

皇甫冉

分務江南遠留權幕下榮楓林遠楚塞水驛到湓城  
岸草知春晚沙禽好夜驚風帆幾度泊處處望潮生

新安送穆諫德歸朝

劉長卿

九重宣室召萬里建溪行事有黃天在歸遲白髮生  
用才身復起覩聖眼猶明一別寒江上潺湲若有情

和張明府登鹿門山

孟浩然

忽示登高作能寬旅寓情絃歌既多暇山水思彌清  
草得風先動虹因雨後成謬承巴俚和非敢應同聲

送馬向入蜀

徐巖

遊子出咸京巴山萬里程白雲連鳥道青壁迤猿聲  
雨雪經泥坂烟花望錦城工文人共許應紀蜀中行

送重客

徐巖

借問炎洲客天南幾日行江連惡溪路山繞夜郎城  
柳葉瘴雲濕桂林蠻鳥驚知君却回日記得海花名

尋天台山

孟浩然

吾愛太乙子喰霞卧赤城欲尋華頂去不憚惡溪名  
歇馬憑雲宿揚帆截海行高高翠微裏遙見石梁橫

謫居漢陽阻雨題壁

鄭常

漢陽無遠近見說過湓城雪雨經春客江山幾日程  
終隨鷗鳥去只待海潮生前路逢漁父多愁問姓名

送彈琴李長史赴洪州

錢起

抱琴為傲吏孤掉復南行幾處秋江水皆添白雪聲  
佳期來客夢幽思緩王程佐牧無勞問心和政自平

酬袁補闕中天寺見寄

皇甫冉

東林初結社已有晚鍾聲窓戶皆流水房廊半架城  
遠山重疊見芳艸淺深生每與君携手多煩長老迎  
落第歸西蜀別劉祭酒高明府

陳伯玉

別館分周國歸驂入漢京地連函谷塞川接廣陽城  
望迥樓臺出途遇烟霧生莫言長落羽貧賤一文情

河岳英靈

觀挿箏

王湾

虛室有秦箏箏新月復清絃多弄委曲柱促語分明  
曉怨凝繁手春嬌入慢聲近來惟此樂傳得美人情

宿陳留李少府廳作

祖詠

相知有叔卿訟簡夜弥清旅泊倦愁卧空堂聞曙更  
風簾搖燭影秋雨帶虫聲歸思邛堪說悠悠恨洛城

李集

觀胡人吹笛

胡人吹玉笛一半是秦聲十日吳山曉梅花落敬亭  
曉愁聞出塞曲淚滿逐臣纓却望長安道空懷戀主

送友人

青山橫北郭白水繞東城此地一為別孤蓬萬里征  
浮雲遊子意落日故人情揮手自茲去蕭蕭班馬鳴

送友人入蜀

見說蠶叢路崎嶇不易行山從人面起雲傍馬頭生  
芳樹籠秦棧春流遶蜀城升沉應已定不必問君平

題宛溪館

吾憐宛溪好百尺照心明可謝新安水千尋見底清  
白沙留月色緜竹助秋聲却笑嚴湍上于今獨擅名

鳳臺曲

嘗聞秦帝女傳得鳳凰聲是日逢仙子當時別有情  
人吹綵簫去天借綵雲迎曲在身不返空餘弄玉名

贈昇州王使君忠臣

六代帝王國三吳佳麗城賢人當重寄天子惜高名  
巨海一邊靜長江萬里清應須救趙策未肯棄侯嬴



寄遠

長短春草綠綠階如有情卷施心獨苦抽却死還生  
覩物知妾意希君種後庭閑時心採掇念此莫相輕

寄當塗趙少府炎

晚登高樓望木落雙江清寒山饒積翠秀色連州城  
目送楚雲盡心悲胡鴈聲相思不相見迴首故人情

贈從弟南平太守之遷其二首

東平與南平今古兩步兵素心愛美酒不是顧東城  
謫官桃源去尋花幾處行秦人如舊識出戶笑相迎

對酒憶賀監

狂客歸四明山陰道士迎敕賜鏡湖水為君臺沼祭  
人亡餘故宅空有荷花生念此杳如夢凄然傷我情

杜集

月

併照巫山出新窺楚水清羈栖愁裏見二十四迴明  
必驗升沉體如知進退情不遠銀漢落亦伴玉繩橫

月

天上秋期近人間月影清入河蟾不沒搗藥免長生

只益丹心苦。能添白髮明。干戈知滿地。一作休照國  
西營

季秋蘇五弟纓江樓夜宴佳十三評事書

少府姪三首其一

峽險江驚急。樓高月迥明。一時今夕會。萬里故鄉情。  
星落黃姑渚。秋辭白帝城。老人因酒病。一作因病酒堅坐  
看君傾

獨坐

悲秋迴白首。倚杖背孤城。江歛洲渚出。天虛景物清。

滄溟服衰謝。朱綬負平生。仰羨黃昏鳥。投林羽翮輕。

久客

羈旅知交態。淹留見俗情。衰顏抑自哂。小吏最相輕。  
去國哀王粲。傷時哭賈生。狐狸何足道。豺虎正縱橫。  
正月三日歸溪上有作簡院內諸公

野外堂依竹。籬邊水向城。蟻浮仍臘味。鷗泛已春聲。  
藥許鄰人斲。書從稚子擎。白頭趨幕府。深覺負平生。

入宅三首其二

宋玉歸州宅。雲通白帝城。吾人淹老病。旅食豈才名。

峽口風常急江流氣不平只應與兒子飄轉任浮生

熟食日示宗文宗武

消渴遊江漢羈縻尚甲兵幾年逢熟食萬里逼清明  
松柏却山路風花一作白帝城汝曹催我老回首淚  
縱橫

哭嚴僕射歸觀

素幔隨流水歸舟返舊京老親如宿昔部曲異平生  
風送蛟龍雨一作天長驃騎營一哀三峽暮遺後見君情

春遠

蕭蕭花絮晚菲菲紅素輕日長唯鳥雀春遠獨柴荆  
數有閑中亂何曾劍外清故鄉歸不得地入亞夫營

春日江村五首

群盜哀王粲中年召賈生登樓初有作前席竟為榮  
宅入先賢傳才高處士名異時懷二子春日復含情

移居夔州郭

伏枕雲安縣遷居白帝城春知催柳別江與放船清  
農事聞人說山光見鳥情禹功饒斷石且就土徵平

西閣雨望

樓雨霑雲幔。山寒著水城。逕添沙面出。湍減石稜生。  
菊葉婁疎放。松林駐遠情。滂沱朱檻濕。萬慮倚簷簷。  
傍極

戲作俳諧體遣悶二首

西歷青羌坂。南畱白帝城。於驛免音徒侵客。恨拒其昌切。  
救坭呂作人情。瓦卜傳神語。舍以諸田費火聲。是非  
何處定。高枕笑浮生。

奉送鄉二翁統節度鎮軍還江陵

火旗還錦纜。白馬出江城。嘹唳吟笳發。蕭條別浦清。

寒空巫峽曙。落日渭陽情。番滯嗟衰疾。何時見息兵。

八月十五夜月二首

稍下巫山峽。猶銜白帝城。氣沉全浦暗。輪側半稜明。  
刁斗皆催曉。蟾蜍且自傾。張弓倚殘魄。不獨漢家營。

送元二適江左

亂後今相見。秋深復遠行。風塵為客日。江海送君情。  
晉室丹陽尹。公孫白帝城。經過自愛惜。取次莫論兵。

送李經擘

王子思歸日。長安已亂兵。霓衣問行在。走馬向承明。

暮景巴蜀僻春風江漢清晉山雖自棄魏闕尚含情

歲暮

歲暮遠為客邊隅還用兵煙塵犯雪嶺鼓角動江城  
天地日流血朝廷誰請纓濟時敢愛死寂寞壯心驚

滕王亭子

寂寞春山路君王不復行古墻猶竹色虛閣自松聲  
鳥雀荒村暮雲霞過客情尚思歌吹入千騎把霓旌

公安縣懷古

野曠口蒙營江深劉備城寒天催日短風浪與雲平

灑落君臣契飛騰戰伐名維舟倚前浦長嘯一含情

公安送李二十九弟晉肅入蜀余下沔鄂

正解柴桑纜仍看蜀道行檣鳥相背發塞鴈一行鳴

南紀連銅柱西江接錦城憑將百錢卜飄泊問君平

宿青草湖

洞庭猶在目青草續為名宿漿依農事郵籤報水程  
寒水爭倚薄雲月透微明湖鴈雙雙起人來故北征

江閣卧病走筆寄呈崔盧兩侍御

客子庖厨薄江樓枕席清衰年病祗瘦長夏想為情

滑憶彫胡飯香聞錦帶羨潘起兼暖腹誰欲致盃罍  
戲題寄上漢中王

西漢親王子成都老客星百年雙白鬢一別五秋營  
烈斷盃中物祇看座右銘不能隨皂蓋自醉逐浮萍

房兵曹胡馬

胡馬大宛名鋒稜瘦骨成竹批雙耳峻風入四蹄輕  
所向無空濶真堪托死生驍騰有如此萬里可橫行

不歸

河間尚征伐汝骨在空城從弟人皆有終身恨不平

數金憐俊邁總角愛聰明面上三年土春風草又生

天河

常時任顯晦秋至景一作分明縱被微雲掩終能永  
夜清含星動雙闕伴月落邊城牛女年年度何曾風  
浪生

贈陳二補闕

世儒多汨沒夫子獨聲名獻納開東觀君王問長卿  
皂鵬寒始或作急天馬老能行自到青冥裏休看白  
髮生

春夜喜雨

好雨知時節。當春乃發生。隨風潛入夜。潤物細無聲。  
野徑雲俱黑。江船火獨明。曉看江濕處。花重錦官城。

遣意二首

其一

轉枝黃鳥近。泛渚白鷗輕。一徑野花落。孤村春水生。  
衰年催釀黍。細雨更移橙。漸喜交遊絕。幽居不用名。

月夜憶舍弟

戍鼓斷人行。秋邊一雁聲。露從今夜白。月是故鄉明。

有弟皆分散。無家問死生。寄書長不達。况乃未休兵。

陪鄭廣文遊何將軍山林十首

其二

百頃風潭上。千章夏木清。卑枝低結子。接葉暗巢鶯。  
鮮鯽銀絲鱠。香芹碧澗羹。翻疑柂樓底。晚飯越中行。

端午日賜衣

宮衣亦有名。端午被恩榮。細葛含風軟。香羅疊雪輕。  
自天題處濕。當暑看來清。意內稱長短。終身荷聖情。

送遠

帶田滿天地。胡為君遠行。親朋盡一哭。鞍馬去孤城。

草木歲月晚，閑河霜雪清。別離已昨日，因見古人情。

漫成其二首

野日荒荒白，春流泯泯清。渚蒲隨地有，村迳逐門成。  
一作只作披衣慣常從漉酒生，眼邊無俗物，多病也。

泛江送客

二月頻送客，東津江欲平。煙花山際重，舟梅浪前輕。  
淚逐勸杯落，愁連吹笛生。離筵不隔日，那得易為情。

水檻遣心其二首

蜀天常夜雨，江檻已朝晴。葉潤林塘密，衣乾枕席清。  
不堪祇老病，何得尚浮名。淺把涓涓酒，深憑送此生。

屏跡其三首

用拙存吾道，幽居近物情。桑麻深雨露，燕雀半生成。  
村鼓時時急，漁舟箇箇輕。杖藜從白首，心迹喜雙清。

送段功曹歸廣州

南海春天外，功曹幾日程。峽雲籠樹小，湖日落江明。  
交趾丹砂重，韶州白葛輕。幸君因估客，時寄錦官城。

奉濟驛重送嚴公四韻



遠送從此別青山空復情幾時盃重把昨夜月同行  
列郡謳歌惜三朝出入禁江村獨歸處寂寞養殘生

花鴨

花鴨無泥滓。埒前每緩行。羽毛知獨立。黑白太分明。  
不覺群心妬。休牽衆眼驚。霜凜露汝在。作意莫先鳴。

悲秋

涼風動萬里。羣盜尚縱橫。家遠博書日。秋來為客情。  
愁窺高鳥過。老逐衆人行。始欲投三峽。何由見兩京。

客夜

客睡何曾著。秋天不肯明。入簾殘月影。高枕遠江聲。  
計拙無衣食。途窮伏友生。老妻書數紙。應恐未歸情。

詠月呈漢中王

夜深露氣清。江月滿江城。浮客轉危坐。歸舟應獨行。  
關山同一照。鳥鵲自多驚。欲得淮王術。風吹暈已生。

送竇九歸成都

文章亦不盡。竇子才縱橫。非爾更苦節。何人符大名。  
讀書雲閣觀。問綉錦官城。我有院花竹。題詩須一行。

兩其一首

微雨不滑道。斷雲踈復行。紫崖奔颯黑。白鳥去邊明。  
秋日新霽影。寒江舊落聲。柴扉臨野碓。半濕搗香秬。  
文章亦不陪。裴使君登岳陽樓。

湖瀾兼雲霧。樓孤壓晚晴。禮加徐孺子。詩接謝宣城。  
雪岸叢梅發。春泥百草生。敢違漁父問。從此更南征。

村夜

風色蕭蕭暮。江頭人不行。村春兩外急。鄰火夜深明。  
胡羯何多難。漁樵寄此生。中原有兄弟。萬里正含情。

大行皇太后挽歌詞其一

一紀尊名王三時孝養榮高居朝聖主厚德載群生  
武帳虛罇作中禁玄堂控太平秋天笳鼓歇松栢偏

山鳴

以石頭驛寄江西王十中丞閣老

憑高試迴看一望詠章城人由戀德在馬亦別群鳴  
寒日夕始照風江域作遠漸平默然都不語應識此  
時情

杏園送張侍御歸使

東風花樹下送爾出京城久抱傷春意新添惜別情  
歸來身已病相見眼還明更肯將詩酒誰家逐後生  
送李負外院長分司東都

去年秋露下羈旅逐東征今歲春光動驅馳別上京  
飲中相顧色送後獨歸情兩地無千里因風數寄聲

五言排律

正音

晚行巴峽

王維

際晚接巴峽餘春憶帝京晴江一女泔朝日衆禽鳴

水國舟中市山橋樹杪行登高萬井出眺迥二流明  
人作殊方語鴛鴦為故國聲賴諸山水趣稍解別離情

遊感化寺

翡翠香烟合琉璃寶殿平龍宮連棟宇虎穴傍簷楹  
谷靜惟松響山深無鳥聲瓊峯當戶折金澗透林明  
到路雲端迴秦川雨外晴鴈王街果獻鹿女踏花行  
抖擻辭貧里歸依宿化城繞籬生野蕨空館發山櫻  
香飯青菰米嘉蔬綠芋羹誓陪清梵末端坐學無生

遺響

遼西

崔顥

燕郊芳歲晚，殘雪凍邊城。  
四月青草入，遼陽春水生。  
胡人正牧馬，漢將日徵兵。  
露重寶刀濕，沙虛金鼓鳴。  
寒衣著已盡，春服誰為成。  
寄語洛陽使，為傳邊塞情。  
行營酬呂侍御時尚書問罪襄陽軍次漢東境上侍御以舟隣寇賊復有水火迫於

征稅詩以見喻

劉長卿

不敢淮南卧，來趨漢將營。  
受辭瞻左鉞，扶疾拜前旌。  
井稅鶉衣樂，壺漿鵲髮迎。  
水歸餘斷岸，烽至掩孤城。

晚日當千騎，秋風合五兵。  
孔璋才素重，早晚檄書成。

正聲

奉和聖制途經華嶽

張說

西嶽鎮皇京，中峯入太清。  
玉變重嶺應，綬騎薄雲迎。  
白日懸高掌，寒空類削成。  
軒遊會神處，漢幸望仙情。  
舊廟青林古，新碑綠字生。  
群臣願封岱，廻駕勒鴻名。  
奉和聖製早登太行山率爾言志

張九齡

孟月攝提貞，乘時我后征。  
宸嚴九折度，暮戒六軍行。

日御馳中道風師卷太清戈鋌林表出組練雪間明  
順動希皇豫高深奉睿情陪遊七聖列望幸百神迎  
氣色烟猶喜恩光草尚榮之果稱萬歲今此復同聲  
奉和聖製送張說赴朔方軍 張嘉貞

天錫我宗盟元戎傳夏卿多才兼將相必勇獨橫行  
經緯稱人傑文章作代英山川看是障草木想為立  
不待河水合猶防塞月明有謀當繫醜無戰且綏氓  
聞外傳三畧雲中莫一平感恩同義激悵別屢魂驚  
直親前旌掣遙聞後馬鳴還期方定日復此出郊迎

奉和宣城張太守南亭秋夕懷友

錢起

池館蟬蛙鳴梧桐秋露晴月臨朱戟靜河近書樓明  
卷幔浮涼入聞鍾永夜清片雲懸曙斗數鴈過秋城  
羽扇揚風暇瑶琴悵別情江山飛麗藻讞眺尚詩名

奉和聖製登朝元閣

六合紆玄覽重軒啓上清石林飛棟出霞項泰堪平  
拂曙鑾輿上晞陽瑞雪晴翠微回日馭升嶽駐天行  
御氣升銀漢垂衣俯錦城山通玉苑迥河抱紫闕明



原件短缺

感物軋文動疑神道化成周王陟喬岳列壁讓英聲

從軍行

盧綸

二十在邊城軍中得勇名卷旗取敗馬占磧擁殘兵  
覆陣鳴鳶起燒山草木鳴塞閑思遠徼師老厭分營  
雪嶺無人跡冰河有鴈聲李陵甘此沒惆悵漢公營

別徐明府

賈島

抱琴非本意生事偶相縈口尚袁安節身無子賤名  
地寒春雪成山淺夕風輕百戰餘荒野千夫漸偶耕  
一杯宜獨夜孤客戀交情明日疲驂去蕭條過古城

風箏杳出霄漢上仰攀日月行山空霸氣滅地古寒  
陰生寥廓雲海脫蒼洋宮觀平門餘閭闔字樓識鳳  
凰名雷作百山動神扶萬拱傾靈光何足貴長此鎮  
吳京

秋夜獨坐懷故山

小隱慕安石遠遊學屈平天書訪江海雲卧起咸京  
入侍瑤池宴出陪玉輦行誇胡新賦作諫獵短書成  
但奉紫霄顧非邀青史名莊周空說劍墨翟耻論兵  
拙薄遂踈絕歸閑事偶耕顧無蒼生望空愛紫芝榮

寥落暝霞色微茫舊壑情秋山綠蘿月今夕為誰明  
送儲邕之武昌

黃鶴西樓月長江萬里情春風三十度空憶武昌城  
送爾難為別銜盃惜未傾湖連張樂地山逐泛舟行  
諾謂楚人重詩傳謝眺清滄浪吾有曲寄入棹歌聲

杜集

奉送郭中丞兼太僕卿充隴六節度使二

十韻

詔發西山將秋屯隴右兵淒涼餘部曲燁

尺善抽赫  
延二切

舊家聲鴈鴉乘時去驂驪顧主鳴艱難須上策容易  
即前程科日當軒蓋高風捲旆旌松悲天水冷沙亂  
雪山清和虜猶懷惠防邊詎敢驚古來於異域鎮靜  
示專征燕薊奔封豕周秦觸駭鯨古原何慘黷餘孽  
尚縱橫箭入昭陽殿笳吟細柳營內人紅袖泣王子  
白衣行宸極妖星動園陵一作殺氣平空餘金挽一作  
盤出無復總帷輕毀廟天飛雨焚宮火徹明果息朝  
共落掄楠夜同傾三月師逾整群胡勢就烹瘡痍親  
接戰勇尖冠垂成妙譽期元宰殊恩且列卿幾時回



金鑑卷十  
節鉞戮力掃撓搶圭竇三千士雲梯七十城耻非齊  
說客甘似魯諸生通籍微班忝周行獨坐榮隨肩趨  
漏刻短髮寄簪纓徑欲依劉表還疑厭禰衡漸衰那  
此別忍淚獨含情廢邑狐狸語空村虎豹爭人頻墜  
塗炭公豈忘精誠元帥調新律前軍壓舊京安邊仍  
扈從莫作後功名

奉送二十三舅錄事之攝郴州

賢良歸盛族吾舅盡知名徐庶高交友劉平出外甥  
泥塗豈珠玉環堵但柴荆衰老悲人世驅馳厭甲兵  
氣春江上別淚血渭陽情丹鷄排風影林鳥反哺聲  
永嘉多北至勾漏且南征必見公侯復終聞盜賊平  
郴州頗涼冷橘井尚淒清從役何蠻貊居官志在行

宗武生日

小子何時見高秋此日生自從都邑語已伴老夫名  
詩是吾家事人傳世上情孰精文選理休覓綵衣輕  
凋瘵筵初秩歌斜坐六成流霞分片片消酒就徐傾

與李十二白同尋范十隱居

李侯有佳句往往似陰鑑余亦東蒙客憐君如弟兄

醉眠秋共被攜手月同行更想幽期一作處還尋北  
郭生入門高興發侍立小童清落景聞寒杵屯雲對  
古城向來吟橘頌誰欲討專美不願論簪笏悠悠滄  
海情

敬贈鄭諫議十韻

諫官非不達詩義早知名破的由來事先鋒孰敢爭  
思飄雲外物律中鬼神驚毫髮無遺恨波瀾獨老成  
野人寧得所天意薄浮生多病休儒服冥搜信客旌  
築居仙縹緲旅食歲崢嶸使者求顏闕諸公厭補衡

將期一諾重歟使寸心傾君見窮途哭宜憂阮步兵

柳司馬至

有客歸三峽相過問兩京函關猶出將渭水更屯兵  
設備邨郵道和親邏步城幽燕唯鳥去商洛少人行  
衰謝身何補蕭條病轉嬰霜天到宮闕戀主寸心明

送覃二判官

先帝弓劍遠小臣餘此生蹉跎病江漢不復謁承明  
餞爾白頭日永懷丹鳳城遲遲戀屈宋渺渺卧荆衡  
魂斷航舸失天寒沙水清肺病若稍愈亦上赤霄行

韓集

學諸進士作精衛銜石填海

鳥有償冤者終年抱寸誠口銜山石細心望海波平

渺渺功難見區區命已輕人皆譏造次我獨賞專精

豈計休無日惟應盡此生何慙刺客傳不著報讎名

七言絕句

正音

獻封大夫破播仙凱歌

岑參

日落轅門鼓角鳴千群面縛出蕃城洗兵漁海雲迎

陣秣馬龍堆月照營

新息道中作

劉長卿

蕭條獨向汝南行客路多逢漢騎營古竹蒼蒼離亂

後幾家同住一孤城

滁州西澗

韋應物

獨憐幽草澗邊生上有黃鸝深樹鳴春潮帶雨晚來

急野度無人舟自橫

子規啼

高林滴露夏夜清南山子規啼一聲隣家孀婦抱兒

泣我獨展轉何時明

題蘭若

崔峒

絕頂茅庵老此生寒雲孤木伴經行世人那得知幽  
迢迢向青峯禮磬聲

旅次寄湖南張郎中

戎昱

寒江近戶漫流聲竹影當窓亂月明歸夢不知湖水  
濶夜來還到洛陽城

移家別湖上亭

好是春風湖上亭柳條藤蔓繫離情黃鸝久住渾相

識欲別頻啼四五聲

唐昌觀玉蕊花

王建

一樹龍葱玉刻成飄廊點地色輕輕女冠夜覓香來  
處惟見階前碎月明

宮詞

金吾除夜進儻名畫袴朱衣四隊行院院燒燈如白  
日沉香火裏坐吹笙

竹枝詞

劉禹錫

揚柳青青江水平聞郎江上唱歌聲東邊日出西邊

兩道是無情還有情

與歌者何甚

二十餘年別帝京重聞天樂不勝情舊人惟有何甚  
在更與殷勤唱渭城

蜀歌詞

春江月出大隄平隄上女郎連袂行唱盡新詞懽不  
見紅霞暎樹鷓鴣鳴

兵宮

李商隱

龍盤沉沉水殿清禁門深掩斷人聲吳王宴罷滿宮

醉日暮水漂花出城

遺響

宮詞

王涯

白雪獨兒拂地行慣上民紅毯紅毯不曾驚深宮更有何人  
到只向金堦吠曉螢出九青

洛中逢韓中丞之吳興口號 劉禹錫

昔年意氣結群英幾度朝回一字二海北天南零落  
盡兩人相見洛陽城

後宮詞

白居易

淚盡羅巾夢不成夜深前殿按歌聲紅顏未老恩先  
斷斜倚熏籠坐到明

暮春澆水送別

韓琮

綠暗紅稀出鳳城暮雲宮闕古今情行人莫聽宮前  
水流盡年光是此聲

華清宮

杜常

行盡江南數十程曉風殘月入華清朝元閣上西風  
急都入長楊作雨聲

賞春

羅鄴

芳草和烟暖更青閑門要路一時生年年檢點人間  
事惟有東風不世情

涼思

吳融

松間小檻接波涼月淡烟沉暑氣清半夜水禽栖不  
定綠荷風動露珠傾

寄人

其二

張泌

酷憐風月為多情還到春時別恨生倚樹尋思倍惆  
悵一場春夢不分明

搖落

韋莊

搖落秋天酒未醒  
淒淒長似別離情  
黃昏倚柱不歸  
去腸斷綠荷風雨聲

瑤瑟怨

温庭筠

冰簟銀床夢不成  
碧天如水夜雲輕  
鴈聲遠過瀟湘  
去十二樓中月自明

宮詞

薛能

身是三千第一名  
內家叢裏獨分明  
芙蓉殿上中元  
日水拍銀盤弄化生

三體

長安作

李涉

宵分獨坐到天明  
又策羸驂信脚行  
每日除書雖滿  
紙不曾聞有介排名

金陵晚望

高蟾

曾伴浮雲歸晚色  
猶陪落日泛秋聲  
世間無限丹青  
手一段傷心畫不成

柳枝

趙嘏

和風煙樹九重城  
夾路春陰十萬營  
惟向邊頭不堪  
望一株憔悴少人行

患眼

張籍

三年患眼今年較免與風光便隔生昨日韓家後園  
裏看花猶自未分明

選唐

竹枝詞

劉文房

白帝城頭春草生白鹽山下蜀江清南人上來歌一  
曲北人莫上動鄉情

又

江上朱樓新雨晴瀼西春水縠文生橋東橋西好揚

柳人來人去唱歌行

宿石門山居

雍陶

窓燈欲滅夜寒生螢火飛來促織鳴宿客愁回眠又  
起一溪春水枕邊聲

過華清宮

李約

君王遊樂萬機輕一曲霓裳四海兵玉輦升天人已  
盡故宮猶有樹長生

別友人

長孫佐輔

愁多不忍醒時別想極還尋靜處行誰遣同衾又分



手不知行路本無情

浮萍

陸龜蒙

曉來風約半池明  
重疊侵沙綠  
麝成不用臨池重  
相咲最無根  
藉是浮名

類編

公子

羅鄴

雕鞍玉勒照花明  
過後香風特地  
半醉五侯門裏

月高猶在禁街行

正聲

從軍行

王昌齡

琵琶起舞喚新聲  
總是關山離別情  
擗亂邊愁聽不  
盡  
高高秋月照長城

塞下

常建

鐵馬胡裘出漢營  
分旄百道救龍城  
左賢未遁旌竿  
折  
過在將軍不在兵

雜詩

無名氏

無定河邊暮笛聲  
赫連臺畔旅人情  
函關歸路千餘  
里  
一夕秋風白髮生

李集

橫江詞 六首 其五

橫江館前津吏迎向余東指海雲生即今欲渡綠何  
事如此風波不可行

春夜洛城聞笛

誰家玉笛暗飛聲散入春風滿洛城此夜曲中聞折  
柳何人不起故鄉情

杜集

奉和嚴鄭公軍城早秋

秋風嫋嫋動高旌玉帳分弓射虜營已取滴溽雲間  
戍欲一作奪逢溼雪外城

漫成

江月去人只數尺風燈照夜欲三更沙頭宿鷺聯拳  
靜船尾跳魚撥刺鳴

解悶 十二首 其十一

翠瓜碧李沉玉甃赤梨蒲萄寒露成可憐先不異枝  
蔓此物娟娟長遠生

書堂飲既夜復邀李尚書下馬月下賦絕句

湖上水一作林風相與清殘樽一作下馬復同傾又并  
野鶴如雙鬢遮莫鄰鷄下五更

夔州歌十絕其一

白帝夔州各異城蜀江楚峽混殊名英雄割據非天  
意霸王去聲并吞在物情

戲為六絕其一

庾信文章老更成凌雲健筆意縱橫今人嗤點流傳  
賦不覺前賢畏後生

春水生二首其一

二月六夜春水生門前小灘渾欲平鷓鴣溪鵝莫漫  
喜吾與汝曹俱眼明

絕句三首其三

無數春筍滿林生柴門密掩斷人行會須上番看成  
竹客至從嗔不出迎番有患切

韓集

八閔詠馬

歲老豈能充上駟力微當自慎前程不知何故翻驤  
百牽過閔門妄或作一鳴

榴花

五月榴花照眼明，枝間時見子初成。  
可憐此地無車馬，顛倒青苔落絳英。

盆池 五首

吳道盆池作不成，藕稍初種已齊生。  
從今有雨<sup>音雨</sup>或作<sup>音雨</sup>灑，君記來聽蕭蕭打葉聲。

盆池 五首

瓦沼晨朝水自清，小蟲無數不知名。  
忽然分散無蹤影，惟有魚兒作隊行。

晚雨

廉纖晚雨不能晴，池岸草間蚯蚓鳴。  
投竿跨馬蹋歸路，絕到城門打鼓聲。

和武相公早春聞鶯

早晚飛來入錦城，誰人教解百般鳴。  
春風紅樹驚鶯眠，處似姒歌童作豔聲。

奉和襄相公東征途經九女山下作

旗穿曉日雲霞雜，山倚秋空劔戟明。  
敢請相公平賊後，暫攜諸吏上崢嶸。

同李二十八員外從襄相公野宿西界  
四面星辰著地明散燒煙火宿天兵不閉破賊須歸  
奏自趁新年賀太平

過襄城

鄆城辭罷過襄城潁水嵩山刮眼明已去蔡州三百  
里家人不用遠來迎

贈汪倫

李白乘舟將欲行忽聞岸上踏歌聲桃花潭水深千  
尺不及汪倫送我情

送韓侍御之廣德

昔日繡衣何足榮今宵貫酒與君傾暫就東山賒月  
色酣歌一夜送泉明

七言律詩

正音

夜投豐德寺謁海上人

盧綸

半夜中峯有磬聲偶尋樵者問山名上方月曉聞僧  
語下界林疎見客行野鶴巢邊松最老毒龍潛處水  
偏清願得遠公知性字焚香洗鉢過餘生

寄陸渾趙明府

王建

與君學者同官處，常日相隨說道情。  
新作陸渾山縣，長早知三禮田。  
村名郭中時有仙人住，城上應多藥草生。  
公事稀疎來客少，何妨著屐獨閑行。

送楊少府貶柳州

王維

明到衡山與洞庭，若為秋月聽猿聲。  
愁看北渚三湘遠，惡說南風五兩輕。  
青草瘴時過夏口，白頭浪裏見湓城。  
長沙不久留才子，賈誼何須吊屈平。

行經華陰

崔顥

岧峣秦華俯咸京，天外三峯削不成。  
武帝祠前雲欲散，仙人掌上雨初晴。  
河山北枕秦關險，驛路西連漢水長。  
借問路傍名利客，無如此處學長生。

別嚴士元

李嘉祐

春風倚棹闔閭城，水國春寒陰復晴。  
細雨濕衣看不見，閑花落地聽無聲。  
日斜江上孤帆影，草綠湖南萬里程。  
東道若逢相識問，青袍今已儒生。

晚次鄂州

盧綸

雲開遠見漢陽城，猶是孤帆一日程。  
佑客晝眠知浪

靜舟人夜語。覺潮生三湘。愁髮逢秋色。萬里歸心對。月明舊業已。隨征戰盡。更堪江上鼓鼙聲。

南原望漢宮

司空曙

荒原空有漢宮名。衰草茫茫雉堞平。連鴈下時秋水在。行人過盡暮煙生。西陵歌吹何年絕。南陌登臨此日情。故事悠悠不可問。寒禽野水自縱橫。

遺響

寄題甘露寺北軒

杜牧

曾上蓬萊宮裏行。北軒欄檻敞留情。孤高堪弄桓伊

笛。縹緲宜聞子晉笙。天接海門秋水色。烟籠隋苑暮鍾聲。他時會著荷衣去。不向山僧道姓名。

三體

送客之湖南

白居易

年年漸見南方物。事事堪傷北客情。山鬼趨跳惟一足。峽猿哀怨過三聲。帆開青草湖中去。衣濕黃梅雨裏行。別後雙魚定難覓。近來湖不到滄城。

酬慈恩文郁上人

賈島

袈裟影入禁池清。猶憶鄉山近赤城。籬落罇間寒蟹

過莓苔石上晚蛩行期登野閣閑應甚阻宿函房疾  
未平聞說人尋南嶽去無端詩思忽然生

春夕旅次

崔塗

水流花謝無情送盡東風過楚城蝴蝶夢中家萬  
里杜鵑枝上月三更故園書動經年別華髮春惟兩  
鬢生自是不歸歸便得五湖煙景有誰爭

送劉谷

李郢

村橋西路雪初晴雲煖沙乾馬足輕寒澗渡頭芳豈  
色新梅嶺上鷓鴣聲郵亭已送征車發山館誰將候

火迎落日千峯轉迢遞知君回首望高城

春山道中寄孟侍御

張南史

春來游子傷歸路時有白雲邀獨行水流亂起石潭  
響花發不知山樹名誰家魚網求鮮食何處人煙事  
火耕昨日已嘗村酒熟一盃思與孟嘉傾

過乘如禪師蕭居士高丘蘭若

王維

無著天親弟與兄高丘蘭若一峯晴食隨鳴磬巢鳥  
下行踏空林落葉聲迸水定侵香案濕雨花應共石



床平深洞長松何所有。巖然天竺古先生。

春日閑坐

劉禹錫

官曹崇重難頻入。第宅清閑且獨行。皆蟻相逢如偶語。園蜂速去恐違程。人於紅藥偏憐色。鶯到垂楊不惜聲。東洛池臺怨拋擲。移文非久會應成。

方干隱居

李山甫

咬咬嘎嘎水禽聲。露洗松陰滿院清。溪畔印沙多鶴跡。檻前題竹有僧名。問人遠岫千重意。對客閑雲一片情。早晚塵埃得休去。且將書劔事先生。

正聲

望薊門

祖詠

燕臺一去客心驚。笙鼓喧喧漢將營。萬里寒光生積雪。三邊曙色動危旌。沙場烽火侵胡月。海畔雲山擁薊城。少小雖非投筆吏。論功直欲請長纓。

夜別常司士

王維

高館張燈酒復清。夜深殘月鴈歸聲。只言啼鳥堪求侶。無那春風欲送行。黃河曲裏沙為岸。白馬津邊柳向城。莫怨他鄉暫離別。知君到處有逢迎。

奉和 相公發益州 岑參

相國臨戎別帝京。擁旌持節遠橫行。登劍閣雲隨馬曉。度巴江雨洗兵。山花萬朶迎征蓋。川柳千條拂去旌。暫到蜀城應計日。須知明主待持衡。

樂遊原晴望上中書李侍郎 錢起

爽氣朝來萬里清。憑高一望九愁輕。不知鳳沼霖初霽。但覺堯天日轉明。四野山河通遠色。千家砧杵共秋聲。遙想青雲丞相府。何時開閣引書生。

鄴都懷古

劉滄

昔時霸業何蕭索。古木唯多烏雀聲。芳尊自生宮殿處。牧童誰識帝王城。殘春楊柳長川向。落日兼葭遠水平。一望青山便惆悵。西陵無主月空明。

鼓吹

秋日寓居精舍書事

盧弼

葉滿苔階杵滿城。此中多恨恨難平。疎簷看織蕭先切。蛩切所交。網暗室愁聽蟋蟀。聲醉即欲拋。羈客思歸偏動故鄉情。覺來獨步長廊下。半夜西風吹月明。

淮南發運趙刑州被詔歸闕 胡宿

天臺封詔紫泥驚馬首前瞻北斗城人在函關先望  
氣帝批京兆最知名一區東第趨晨近數刻西廂接  
畫榮正是兩京裁化日百金雙壁拜虞卿

約張處士游梁

譚用之

莫學區區老一經南門閔更舊書生晉朝滅後無中  
散韓國士來絕上卿龍變洞甲千谷冷劍橫天外八  
風清好携長策干時去免逐漁樵度大平

江上聞笛

誰為梅花怨未平一棹高舂石龍驚風出田間閣迹初

靜月在姑蘇秋正明曲盡綠揚滿野渡管吹青玉動  
江城臨流不欲慙慙蕙草王孫信有情

貽南康陳處士

白玉堆邊將運橫空涵二十四灘聲老無征戰軒轅  
國貧有茅茨帝西城丹鳳畫飛群木冷一龍秋卧九  
江清時人臺大非經濟還行中原致太平

匡何處士陵後老

三皇上人春夢醒東侯老大麒麟生洞連龍穴金山  
冷窓透鰲波堊人清計拙卑片巖巖老氣狂慙與斗

牛平誰人為向書編上有芳巢由寫一

江館秋夕

耿耿銀河鴈半橫  
夢歌金屋輶輻輳  
滿窓謝練江風  
白一枕齊紈海月明  
楊柳改稍飛葉響  
菱荷香柄折  
秋鳴誰人更唱陽  
関曲牢落煙霞夢不成

書懷

司空圖

病來猶強引雛行  
力上東原欲試耕  
幾處馬嘶春麥  
長一川人喜垂峯晴  
閑知有味心難肯  
道貴謀安迹  
易平陶令若能兼  
不飲無茲琴亦是沾名

浙上

其二首

西北鄉関近帝京  
烟塵一片正傷情  
愁看地色連空  
色靜聽歌聲似哭聲  
紅蓼遮村人不見  
青山遶檻路  
難平從他烟棹更南去  
休向津頭問去程

漂泊

鄭谷

槿墜蓮踈池館清  
日光風緒淡無情  
鱸魚斫膾輸張  
翰搗捩呼奴羨李衡  
十口飄零猶寄食  
兩川消息未  
休紅黃花催促重陽酒  
何處登高望二京

渚宮亂後作

鄉人未話亂離情  
淚滿一作殘陽問楚荆  
白社已應無故老  
清江依舊遶孤城  
高秋軍旅齊山樹  
昔日漁家楚野營  
牢落故居征戰後  
黃花綠蔓上牆生

觀征人回

楊巨源

兩河戰罷萬方清  
原上軍回識舊營  
立馬望雲秋塞靜  
射鵰臨水晚天晴  
戍閑部位分岐路  
地遠家鄉寄旆旌  
聖代止戈資廟畧  
諸侯不復更長征

雪

杜荀鶴

風捲長空突骨生  
先於曉色報鷗明  
江湖不見飛禽

影巖谷惟聞折竹聲  
葉火幾多相似處  
路岐兼得一般平  
擁袍公子莫言吟  
中有樵夫跣足行

長安春舍叙邵陵舊懷  
永明蕭使君其二首

曹唐

木魚金鑰鎖重城  
夜上紅樓縱酒情  
竹箭水繁更漏促  
桐花風軟管絃清  
百分散打銀船溢  
十指寬催玉筍輕  
星斗漸稀賓客散  
碧雲猶戀豔歌聲

以紫石硯寄魯望  
兼酬見贈

皮日休

揉如金鳳小能輕  
微潤將融紫  
玉英石墨一斫為鳳

尾寒泉半勺是龍睛騷人白正傷心暗狎客紅蓮奪  
眼明兩地有明皆好用不須空把洗溪聲

次韻看壓新醅

一簣松花細有聲旋將梨枕撤寒清秦吳只恐爲來  
近劉項真應釀得平酒德有神多客頌醉鄉無貨沒  
人爭五湖烟水即山月合向樽前問姓名

至德中途中苦事寄胡澗

盧綸

亂離無處不傷情况復看碑對古城路遠寒山人獨  
去月臨秋水鴈空驚衰重喜歸鄉國身賤多顛問

姓名今日主人還共醉應憐世故一孺生

長安夜雨

薛逢

滯雨通宵又徹明百憂如草雨中生心閑桂玉天難  
曉運落風波夢亦驚塵樹早鴉飛不散別窓寒鼓濕  
無聲當年志氣俱消盡白髮新添四五莖

寄湖南從事

韓偓

索莫襟懷酒半醒無人一為解餘醒岸頭柳色春將  
盡船背兩聲天欲明去國正悲同旅鴈隔江可忍更  
啼鴛蓮花幕下風流客試與溫存謹逐情

殘春旅舍

旅舍殘春宿兩晴  
恍然心地憶咸京  
樹頭蜂抱花鬚落  
池面魚吹柳絮行  
裊伏詩魔歸靜域  
酒衝愁陣出奇兵  
兩梁免被塵埃汗  
拭拂朝簪待眼明

過臨淮故里

交遊昔歲已凋零  
第宅今來亦變更  
舊廟荒涼時享絕  
諸孫飢凍一官成  
五湖更負他年志  
百戰空留異代名  
榮盛幾何流落久  
遣人懷抱薄浮生

此詩無

看壓新醅寄懷襲美

陸龜蒙

曉壓糟牀漸有聲  
旋如荒澗野泉清  
身前古態醜應出  
世上愁痕滴合平  
飲啄斷年同鶴儉  
風波終日看人爭  
樽中若使常能綠  
兩綬通侯總強名

逢東吳王

一作王

韋莊

十年身世一作事各如萍  
白首相逢淚滿纓  
老去不知花有態  
亂來惟覺酒多情  
貧疑陋巷春偏少  
貴想豪家月最明  
獨對一樽開口笑  
未衰應見太階平

衡陽與愛得分路贈別

柳宗元

十年顛顛到秦京  
誰料翻為嶺外行  
伏波故道風煙

在翁仲遺墟草樹千直以慵疎招物議休將文字占  
時名今朝不用臨河別垂淚千行便濯纓

送鄧王二十弟牧宣城

徐鉉

禁裏秋光似水清林煙池影共離情暫離黃閣只三  
載却望紫垣都數程滿座清風天子送隨車甘兩路  
人迎彤霞閣上題詩在從此還應為頌聲

傷虞將軍

許渾

自昔軍君未有名近將孤劍到江城巴童戍久能蕃  
語胡馬調多解漢行對月夜窮黃石畧望雲秋計黑

山程可憐身死家猶遠汴水東流無哭聲

友人適越路過桐廬寄題江驛

李郢

桐廬縣前洲渚平桐廬江上晚潮生莫言獨有山川  
秀週日仍聞官長清來隴虛涼當水店鱸魚鮮羨稱  
尊羨王孫客掉殘春去相送河橋羨此行

暮春山行田家歌焉

雨濕菰蒲斜日明茅厨煮蠶掉車聲青蛇上行一種  
色黃蝶隔溪無限情何處漁樵將遠餉故園田土憶



春耕千峯雲霧水滴滴  
驚馬此中秋獨行

送盧潘尚書之武靈

韋瞻

賀蘭山下果園成  
塞北江南舊有名  
木木萬家朱戶  
暗弓刀千騎  
鉄衣明心源落落堪為將  
膽氣堂堂合  
用兵却使六蕃諸子弟  
馬前不信是書生

長安思懷

秦韜玉

西風吹雨滴寒更  
鄉思撩人撥不平  
長有歸心懸馬  
首可堪無夢枕孤聲  
雲收楚岫和空碧  
秋深湘江到底清  
早晚身閑著  
蓑去摘香深處釣舟橫

鸚鵡

每聞別鴈竟悲鳴  
却羨金籠寄此生  
早是翠衿爭愛  
惜可堪紅嘴強分明  
雲漫隴樹魂應斷  
歌接秦樓夢  
不成幸自平人不識  
賺他為賦被詩輕

春晚岳陽城言懷

崔魯

煙花零落過清明  
異國光陰老客情  
雲夢及陽愁裏  
色洞庭春浪坐來聲  
天邊一與舊山別  
江上幾看芳草生  
獨凭

一作

倚闌干音難寫暮笳鳴咽調孤城

過張祐處士丹陽故居

顏萱

憶昔為兒逐我兄，曾拋竹馬拜先生。書齋已換當時主，詩壁空題故友名。豈是爭權畱怨敵，可憐當路盡公卿。柴扉草屋無人問，猶向荒田耒耜征。

襄州春遊

皮日休

信馬騰騰觸處行，春風相引與詩情。等閑遇事成歌詠，取次衝筵隱姓名。映竹認人多錯誤，透花窺鳥最分明。今年單綉何曾著，莫道猖狂似禰衡。

冬至遇京使發寄舍弟

杜牧

遠信初憑雙鯉去，他鄉正遇一陽生。樽前豈解愁家

國輦下，惟能憶弟兄。旅館夜憂姜被薄，暮江寒覺晏裘輕。竹門風過還惆悵，疑是松窓雪打聲。

長安雜題

洪河清渭天地濬，太白終南地軸橫。祥雲輝映漢宮紫，春光繡畫秦川明。草妬佳人鈿朶色，風回公子玉銜聲。六飛南幸芙蓉苑，十里飄香入夾城。

寄鄆杜李遂良處士

高駢

小隱堪忘世上情，可能休夢入重城。池邊寫字師前輩，座右題名律後生。吟社客歸秦渡晚，醉鄉漁去漢

陂晴春來不得山中信  
盡日無人傍水行

書懷

吳融

傍巖依樹結簷楹  
夏物蕭條景更清  
灘響忽高何處  
雨松陰自轉此山晴  
見多隣犬遙相認  
來慣幽禽近  
不驚爭敢便誇饒  
勝事九衢塵裏免勞生

二月二日

李商隱

二月二日江上行  
東風日暖聞吹笙  
花鬢柳眼各無  
賴  
紫蝶黃蜂俱有情  
萬里憶歸元亮井  
三年從事亞  
夫營  
新春莫恨遊人意  
更作風簷夜雨聲

奉和襲美悼鶴

陸龜蒙

一夜圓吭絕不鳴  
八公虛道得千齡  
方添上客雲眠  
思忽伴中仙劍  
解形但掩脩毛  
穿古堞  
未留寒影在  
空屏  
君才幸自清  
如畫高芝田為刻銘

奉和日休病中孔雀

懶移金翠傍簷楹  
斜倚芳叢舊能生  
唯耐瘴煙籠飲  
啄可堪春雨滯  
飛鳴鴛鴦水畔  
迴頭羨葦菴  
圖前舉  
目驚爭得鷓鴣來  
往者不妨還  
校有心情

贈寫御容李長史

李遠

寶座煙消硯水清  
龍髯不動彩毫輕  
初分隆準山河秀  
乍點重瞳日月明  
宮女捲簾皆暗認  
侍臣開殿盡遙驚  
六朝供奉無人敵  
始覺僧繇浪得名

上李庶子

王建

紫煙樓閣碧沙亭  
上界詩仙獨自行  
竒險駭回還竅  
冥雲山經用始鮮  
明藕綃紋縷裁來滑  
鏡水波濤瀆得清  
昏思願因清露洗  
幸容堦底禮先生

惆悵吟

張泌

秋風丹葉動荒城  
慘澹雲遮日半明  
晝夢却因惆悵  
得晚愁多為別離  
生江淹彩筆空題恨  
莊叟玄談未及情  
千古怨魂消不得  
一江寒浪若為平

春夕言懷

風透疎簾月滿庭  
倚闌無事倍傷情  
煙垂柳帶纖腰軟  
露滴花房怨臉明  
秋深野雲消不盡  
情隨春浪去難平  
齒窓謾結相思夢  
欲化西園蝶未成

沂陽縣閣

韋莊

沂水悠悠去似絳  
遠山如畫翠眉橫  
僧尋野渡歸吳岳  
鴈帶斜陽入渭城  
邊靜不收蕃帳  
馬地貧惟賣隴

山鷄牧童何處吹羌笛一曲梅花出塞聲

漢州

北儂初到漢州城郭色樓臺觸目驚松桂影中旌旂  
色芙蓉風裏管絃聲人心不似經離亂時運還應却  
太平十日醉眠金鴈驛岐無限臉波橫

送宮人入道

項斯

願隨仙女董雙成玉母前頭作伴行初戴玉冠多候  
拜欲辭金殿別稱名將敵碧落新齋磬却進昭王舊  
賜箏旦暮焚香遶壇上步虛猶作按歌聲

九月十日偶成

李後主

晚雨秋陰酒乍醒感時心緒香難平黃花冷落不成  
艷紅華颯颯競鼓聲背世返能厭俗態偶緣猶未忘  
多情自從雙鬢班班白不學安仁却自驚

病起題山舍壁

山舍初成病乍輕杖藜巾褐穉閑情爐閉小火深迴  
煖溝引新流幾曲聲暫約彭涓安朽質終期宗遠問  
無生誰能役役塵中累會合魚龍構強名

得替後移居雲溪館

杜牧

萬家相慶喜秋成處處樓臺歌板聲千歲鶴歸猶有  
恨一年人住豈無情夜涼溪館留僧語風定蘇潭看  
月生景物登臨閑始見願為閑客北閑行

對雪

自此以下皆許渾集附于鼓吹之後

許渾

雲度龍山暗綺城先飛浙瀝引輕盈素娥冉冉拜瑤  
闕皓鶴紛紛朝玉京陰嶺有風梅艷散寒林無月桂  
華清剡溪一醉十年事忽憶棹回天未明

聞釋子栖玄欲奉道因寄

欲來真訣恋禪肩羽帔方袍盡有情仙骨本微靈鶴

逸法心潛動毒龍驚三山未有偷桃計四海空傳問  
菊名今日勸師師莫惑長生難學證無生

乘月棹舟送大曆寺靈聰上人不及

萬峯秋盡百泉清舊瑣禪扉在赤城楓浦客來煙未  
散竹窓僧去月猶明杯浮野渡魚龍遠錫響空山虎  
豹驚一字不畱何足訝白雲無路水無情

南陽道中

月斜孤館傍春行野店高低帶古城籬上曉花齋後  
落井邊秋葉社前生飢鳥索哺隨雛叫乳特慵歸望

犢鳴荒草連天風動地不知誰學武侯耕

早秋韶陽夜雨

宋玉含悽夢亦驚芙蓉山響一猿聲陰雲行雨枕先  
潤夜雷引雷窓暫明暗惜水花飄廣檻遠愁風葉下  
高城西歸萬里未千里應到故園春草生

送盧先輩白衡岳赴復州嘉禮

名振金闈步玉京暫留滄浪見高情衆花盡處松千  
尺群鳥喧時鶴一聲朱閣簾涼疎雨過碧溪船動早  
潮生離心不異西江水直送征帆萬里行

將歸姑蘇南樓餞送李明府

無處登臨不繫情一憑春酒醉高城暫移羅綺見山  
色終駐管絃聞水聲花落西亭添別夢柳陰南浦促  
歸程前期迢迢今宵短更倚朱闌待月明

詩選

三年冬大禮

曹唐

皇帝齋心潔素誠自朝真祖報昇平華山秋草多歸  
馬滄海寒波絕洗兵銀箭水殘河影斷玉爐烟盡日  
華生千官整肅三天夜劔佩初聞入太清

觀賀皇太子冊命

殷文珪

嗣冊儲皇帝命行萬方臣妾躍歡聲鸞旃再立星辰  
正雉扇雙開日月明自有漢元爭翊戴不勞商皓定  
歌傾春宮保傳昔周召致主何憂不太平

奉寄中書王舍人

皇甫曾

腰金載筆謁承明至道安禪得此生西掖幾年綸綍  
貴東山遙夜薜蘿情風傳漏刻星河曙月上梧桐兩  
露清聖主好文誰為薦閉門空賦子虛成

聞吉中孚拜官寄元祕書昆季

李瑞

漢家採使不求聲自慰文章道欲行毛遂登門雖異  
賞韓非入傳濫齊名雲歸暫愛青山出客去還愁白  
髮生年少奉親皆願達敢將心事向玄成

送李評事赴潭州使幕

錢起

湖南遠去有餘情蘋葉初齊白芷生謾說簡書催物  
俊遙知心賞緩王程興過山寺先雲到嘯引江帆帶  
月行幙下由來貴無事佇聞談笑靖黎氓

送康洗馬



腰佩雕弓漢射聲東歸御命見雙旌青絲玉勒康侯  
馬白水金河滑伯城臘雪夜寒宜縱飲晴葢晝踏不  
妨行懷君又隔千山遠一夜春風百草生

題王母廟

劉滄

寒窗珠翠想遺聲門掩煙微水殿清拂曙紫霞生古  
壁何年絳節下層城鶴歸遼海春光晚花落間堦夕  
雨晴武帝無名在仙籍玉壇星月夜空明

光嶽英華

東城值雨

劉威

四月鸞輿出鳳城此時遊子動歸程蓬萊一水通雲  
氣閭闔千門度雨聲書卷喜從船尾載酒杯愁就馬  
頭傾長年三老歡相語沙際河流一夜生

朔旦冬至南郊即事

權得輿

大明南至應天正朔旦園立樂六成文軌盡同堯曆  
象齋祠泰備漢公卿星辰列位祥光滿金石交音曉  
奏清更有觀臺稱賀處黃雲捧日瑞昇平

長安曉望寄崔補闕

包何

迢遞山河擁帝京參差宮殿接雲平風吹曉漏經長

樂柳帶晴烟出禁城。天淨笙歌臨路發。日高車馬隔塵行。自慚久在諸生列。未得金閨籍姓名。

類編

贈趙將軍

張籍

當年膽略已縱橫。每見妖星氣不平。身貴早登龍閣道。功高曾破虜頭城。尋常入對論邊事。委曲承恩掌內兵。會取安西歸報國。凌烟閣上早題名。

贈王侍御

張籍

心同野鶴與塵遠。詩似冰壺見底清。府縣同趨昨日

事升沉不改故人情。上陽秋晚簫蕭雨。洛水寒來夜夜聲。自嘆猶為折腰吏。可憐駘馬路傍行。

送盧侍御赴河北

劉長卿

謫居為別倍傷情。何事從容獨遠行。千里按圖收故地。三軍罷戰及春耕。江天渺渺鴻初去。漳水悠悠草欲生。莫學仲連逃海上。田單空愧取聊城。

送客往鄜州

楊凝

新參將相事營平。錦帶駢弓結束輕。曉上關城吟畫角。暗馳羗馬發支兵。回中地近風常急。鄜時年多草

自生近喜扶陽係戎相從來衛霍笑長纓

過丹陽

吳融

雲陽縣郭半郊垆風物蕭條萬古情山帶梁朝陵路  
斷水連劉尹宅基平桂枝自折思前代藻鑑難逢恥  
後生遺事滿懷兼滿目不堪孤棹倚荒城

哭吳諫議

雍陶

偶聞哀計滿朝驚遙感番陽罷市情遺愛永存今似  
古高名不朽死如生神仙難見青驃事諫議空留白  
馬名門館曾為受恩客幾回垂淚滴宣平

杜集

諸將

韓公本音築三城擬絕天驕拔漢旌豈謂盡煩回紇  
馬翻然遠救朔方兵胡來不覺潼關隘龍起猶聞晉  
水清獨使至尊憂社稷諸君何以答昇平

愁

江草日日喚愁生巫峽泠泠非世情盤渦驚浴底心  
性獨樹花發自分明十年戎馬暗南國一作萬國異域賓  
客老孤城渭水秦山一作秦州得見否人今罷音疲病虎縱

橫

崔評事弟許相迎不到應慮老夫見泥雨  
怯出必愆佳期走筆戲簡

江閣邀賓誅馬迎午時起坐自天明浮雲不負青春  
色細雨何孤白帝城身過花間露濕好醉杖馬上往  
未輕虛疑皓首衝泥怯實少銀鞍傍險行

江陵節應使陽城郡筮新樓成王請嚴侍

御判官賦七字句同作

樓上炎天水雪生高飛燕雀賀新成碧窓宿霧濛濛

濕朱拱浮雲細細輕杖藜寒帷暗具美投壺散秩有

餘清自公多暇延參佐江漢風流萬古情

酬郭十五判官

才微歲老尚虛名卧病江湖春復生  
蔡裊閑心詩總廢花枝照眼句還成  
只同燕石能星隕自得隋珠擊  
夜明喬口橘州風浪促繫帆何惜片時程

吹笛

吹笛秋山風月清誰家巧作斷腸聲  
風飄律呂相和切月傍関山幾處明  
胡騎中宵堪北走武陵一曲想

南征故園揚柳今搖落何得愁中却盡生

夜

露下天高秋氣一作清空山獨夜旅魂驚疎灯自照  
孤帆宿新月猶懸雙杵鳴南菊再逢人卧病北書不  
至鴈無情步蟾倚杖看牛斗銀漢迢迢應接鳳城

院中晚晴懷西郭茅舍

幕府秋風日夜清澹雲疎雨過高城葉心寒實堪時  
落階面青苔先自生復有樓臺街一作暮景未勞鍾  
鼓報新晴浣花溪裏花饒笑肯信吾兼吏德

韓集

賀張十八秘書得裴司空馬

司空遠寄養初成毛色桃花眼鏡明落日已曾交響  
語春風還擬並鞍行長令奴僕知飢渴須着賢良詩  
性情旦夕公歸仲拜謝免勞騎去逐双旌

戲題牡丹

幸自同開俱隱約何須相倚闌輕盈盈陵晨伴作新粧  
面對客偏含不語情双燕無機還拂掠游蜂多思正  
經營長年是事皆拋盡今日欄邊暫眼明

雅音會編卷之十畢

雅音會編

卷之十



卷之四